

4 aprile 1992

QUATTO PAROLE D'O PPASSATO

So' passate 230 anne d'a fondazziona d'a Nunziatella, fuje n'nvenziona ggenjale e, ancora oggi, tene nu pprestigjo ca niscjun'ata scola italiana po' vanta'.

I' aggio avuto 'o privilegjo 'e fa' 'o liceo lla', a Monte di DIO

'E mèglje prufussere tenevemo, se faceva gginasteca, se parattecava nu sacco 'e sport .

'O sport mio preferito era 'a scherma e,pe' mme, è stata comm'a na lezziona 'e vita.

Na sola cosa nun me piaceva, ca 'a femmena era cunziderata, no a nuje allieve, ma 'all'uffuscjale ca tenevemo, inferiore a ll'ommo: na granda fessaria. Ereno criscjute e educate durante 'o fascismo e se purtavemo appriesso "a sacrosanta" verità d'o reggime, ca 'e ffemene ereno inferiore a ll'uommene.

I' penzavo 'o cuntrario, arrevavo 'a na famiglja addò ll'uommene ereno muorte ggiuvene e avevo visto 'a forza , nun parlo d'o fiseco, na forza 'e ll'anema ca ll'uommene nun teneno.

I',durante 'a permanna a Nunziatella, aggio pigljato chello ca pe' mme era 'o mmègljo, serietà 'e cumportamento, sacralità d'e duvere verzo 'a patria, 'e vantagge d'e sport ca se faceveno, disciplina e 'a professionalità d'e prufussure.

I' aggio astipato 'a sensazziona ca ' ascenno d'a Nunziatella, tengo nu plus rispetto 'e coetanei mje, nun saccio comme 'o defini' ma me sento nu privilegiato ancora mò ca so'passate 66 anne.

Quanno vaco 'a Napule nun me faccio maje manca' na cammenata fin'annanz''a porta d'a Nunziatella e na preghjera dint''a cchjesa affianco.

Uno d'e recuorde cchiù bbelle è quanno 'a cumpagnja mja facette 'a sfilata d'e Fori Imperiali, me sentevo 'o core 'npietto ca s'era aggitato pe' tutt''a sfilata.

Si avesse avuto figlje masculine ll'avarria mannate 'a Nunziatella.

VIVA LA NUNZIATELLA !!!!!!!!!!!

FRANCESCO Arduino 1951-1954

